

M^o 1174 H. 11
DISSERTATIO MEDICA

INAUGURALIS,

De Qualitatibus Aeris :

QUAM,

Annuente summo Numine,

Ex auctoritate Politissimi Viri

GULIELMI WISHART,

Academiae EDINBURGENAE Praefecti;

NEC NON

*Amplissimi SENATUS ACADEMICI Consensu, &
nobilissimae FACULTATIS MEDICAE Decreto;*

PRO GRADU DOCTORATUS.

Summisque in Medicinâ honoribus & privilegiis ritè ac le-
gitimè consequendis,

Eruditorum examini submittit,

ROBERTUS WILLAN *Anglo-Britannus,*

Ad diem 13. Maii, hora 6. post Meridiem, loco solito.

EDINBURGI:

Apud GUL. CHEYNE. MDCCXLV.

DISSERTATIO MEDICA

IN AUREA

DE GASTRICIS

Q. U. A. M.

ANALYTIQUE

ET

CRITIQUE

DE

RECENTI

ET

DE

PROGRADU

IN

PHILOSOPHIA

ET

RECENTI

DE

ET

DE

V I R O C L A R I S S I M O

JOHANNI FOTHERGILL, M. D.
Collegii Regii Medicorum Londinensis,

Virtute vix æmulanda,

Scientiæ naturalis amore,

Atque morum jucunditate,

M E R I T O C E L E B R I,

*Hanc dissertationem, existimationis
sue monumentum,*

CONSECRAT

ROBERTUS WILLAN.

VIRI CLARISSIMO

JOHANNI FOTHERGILL, M.D.
Collegii Regii Medicorum Londinensis

Virtute vix communi

Scientia naturalis amore

Alque motum iustitiam

MERITO CELEBRAT

Alam diffundit eximiam
In monumentum

CONSECRAT

JOSEPHUS WATSON

DISSERTATIO MEDICA,

De Qualitatibus AERIS.

QUOT & quantos præstat effectus, tam salutare quàm morbosos, in corpora animantium aër nemo nescit peritus causarum sanitatis & morborum.

Nec fanè horum effectuum ratio obscura erit reputanti, quod ipse aër continuò movetur, impellitur; vicissitudines subitas, insignes, inevitabiles patitur, a causis plurimis vix numerandis: Tamen hominum corpora undique & perpetuò amplectitur, in pulmones assiduò hauritur, sanguini immediato ferè contactu & per amplam superficiem applicatur, denique cum alimentis miscetur, deglutitur. Ita ut nunc, non minùs quam olim, verus est Hippocratis aphorismus, “ † Αί μεταβολαί των ορεων, &c. mutationes temporum maximè parunt morbos, & in temporibus magnæ mutationes frigoris aut caloris, & reliqua juxta rationem, hoc modo.”

Nil igitur forsan plus interest medicinæ, vel ministris suis plus adfert honoris, quam clarus intellectus effectuum a variâ constitutione aëris pendentium, & quo pacto præcaveri vel corrigi possint, ut quam minimè hominibus noceant; ad quæ breviter pertractanda nunc aggrediamur pro penso quod imposuit mos laudandus academix.

Ut verò ritè intelligantur hi effectus, sequentia de aëris naturâ præponenda.

α. Aër est corpus invisibile, fluidum, grave, admodum elasticum, facillimè rarefaciendum vel condensandum, circa globum terræ sphaeram formans concentricam. Docent sensus externi, experimenta hydrostatica, machina Boileana.

A

β. Hecce

† Lib. 3. Aph. 1.

β. Hæcce aëris sphæra corpusculis repletur plurimis, admodum heterogeneis, ex quibus varia pendet aëris indoles & diversi admodum effectus. Unde eam non ineptè appellavit vetustas *σφαῖραν ατμῶν*, vel atmosphæram.

γ. Horum corporum princeps existimari meretur ignis; ignis, inquam, qui forte per universum spatium diffunditur omniumque corporum meatus replet: Subtilissima hæc materia ex naturâ sua se æqua lege ubique per atmosphæram dispergeret, sed variæ admodum efficiunt causæ diversam ignis quantitatem in hac vel illâ parte atmosphæræ; quarum causarum explicatio, hic non suscipienda, docebit, cur aër in inferioribus suæ sphæræ calidior quàm in superioribus; in cavernis & fossis quàm in montibus altis; sub zonâ torridâ quàm in polis terræ; in æstate quàm in hyeme.

δ. Aqua etiam aëri commiscetur vix ullâ arte separanda; proportio ad medium existimatur ratione, 1 ad 850. Sed major erit vel minor pro situ loci, soli naturâ, tempestate anni, actione & cursu ventorum. Quòd aqua in aëre revera existit experimenta docent quamplurima; sufficiat ex his seligere istud falis tartari vulgaris, qui sponte & brevi temporis spatio in aëre, vel potius in aquâ aëris, dissolvitur, augeturque ad triplum circiter pondus, nomine Ol. Tartar per deliquium.

ε. Particulæ denique in aëre reperiuntur, ex omnibus ferè corporibus animantium, vegetantium, fossilium dispersæ, quas verò hic loci exponere minimè urget necessitas; cum effecta insignia non producant nisi collectæ, & tunc potius referri debent ad classes venenorum.

Hæc pauca ritè perpenſa, quomodocunque videantur facilia, quatenus aëris naturam spectant, prorsus sufficiunt ad intellectum dicendorum.

I. Aër calidus ad nostram a tropicis distantiam rarò vel minus peccans, equatori vicinis inseperabilis, Europæ pauciores, Americanæ plures, Asiæ Africæque plurimos regiones offendens, ordinem ducit.

II. Si calori adjungatur siccitas, primò afficit exteriores corporis partes, illas videlicet quarum sanitati necessarius est liquor

quor secretus, aëri expositus ; tales sunt, *imo*. Oculi ; glandula enim innominata versus angulum oculi externum separat humorem aquosum, pellucidum, blandum, qui oculos humectando, lubricando, lavando, a concretione cum palpebris impediendo, humidos, nitidos, pellucidos, lubricos, mobiles, ab omni illapso aspero vel acri liberos, æqualiter expansiles conservat. Aër tamen calidus hunc humorem rarefacit & rarefactum celerrimè dispergit ; unde fit oculi totius ficcitas, immobilitas, dolor, palpebrarum inflammatio, tunicæ adnatæ & corneæ in-
crassatio, obscuratio, inflammatio, aliaque multa harum partium mala, intellectu non difficilia.

III. Nec læves sentit injurias olfactus organon : Membrana enim narium interna, admodum lata, Schneideriana dicta, e glandulis numerosissimis assiduò excernit humorem copiosum, blandum, inodorum, ferè insulsum, cum lymphâ arteriarum in omnibus corporis cavitatibus repertâ, necnon cum lachrymis in cavum nasi destillantibus miscendum ; quo sollicitè humectentur, lubricentur, defendentur fibrillæ nervi olfactorii nudæ, tenerimæ per totam hujus membranæ superficiem distributæ ; haud reperiuntur in corpore humano nervi tam molles, * nudi, facile afficiendi atque lædendi ; hunc tamen humorem adeo necessarium æstuans aër, eodem modo quo lachrymas, tollit, unde narium internarum ficcitas, obstructio, inflammatio, spirandi difficultas, nervi olfactorii læsio, insensibilitas.

IV. In ore effectus satis incommodi producuntur ; ex glandulis enim in os internum hiantibus separantur, eructantur duæ humorum species, saliva & mucus, cum lymphâ arteriosâ miscendi. Hi humores in masticationis motu expressi, & cum cibis accuratè permisti, effectus multos præstantissimos in subactione atque digestionem ciborum præbent ; sapor etiam & loquelæ penitus necessarii sunt : cito tamen ab actione aëris fervidi inspissantur, dissipantur, atque eorum ulterior secretio impeditur. Hinc oris ficcitas molesta ; sitis ; minuitur, depravatur, perditur, applicatorum sapor ; impeditur, prohibetur manducatio, deglutitio, digestio ; fit rauco.

V. Per-

* Vid. Comm. Haller. Pag. 54 & 58.

V. Perpenfis nunc aëris æstuantis effectibus in exteriores corporis partes, pergamus ad cæteras.

VI. Asperæ arteriæ faciem internam obtendit membrana mucipara, nervosa, valde sensilis, pituitariæ amplæ Schneiderianæ continuata progenies, quæ undique ostiolis perforatur glandularum simplicium liquorem exspuentibus pinguem, mucosum, qui arteriosæ admistus lymphæ, linimentum componit quo inungitur tota hæc fistula; in tracheam verò necessarius recipitur aër quantumvis æstuans, velox dissipat hos commistos humores; oritur raucedo, respiratio molesta, tubi totius & partium circa laryngem ficcitas, obstructio, angina inflammatoria.

VII. In pulmonibus ipsis graviora & insigniora producuntur mala; in hosce enim inevitabili necessitate perpetuò irruiat aër, & in eos efficaciam agit summâ; citò difflat humorem quem iis humectandis & oblinendis secernit bronchialis arteriæ propago; inde totius superficiei internæ bronchiorum & vesicularum ficcitas, molestia; fit rigidus & immobilis pulmo; ejus explicabilitas adeo necessaria depravatur, aboletur; inde respiratio molesta, vel asthmatis rarior species, nam hæc phænomena ut plurimum anticipat sanguinis transeuntis per capillaria pulmonis vasa, nunc etiam arefacta, coactio, inspissatio; inde obstructio, peripneumonia.

VIII. Totius corporis cutis aëris actioni immediato semper subjicitur; aperiuntur orificia epidermidis; sudorifera dilatantur vasa, laxantur istorum valvulæ, fit sudoris excretio copiosa, profusa, perniciofa, celeriter tamen dispersa; inde ardor, fitis, macies, *ατρεφία*.

IX. Humoribus tenuioribus sic omni modo ablatis, internos residuos excoquit; dissipat mobilia; lentiora aggregat, compingit, exsiccat; ergo partes aquosas, salinas volatiles assiduò diminuit; contra verò salina fixiora, olea crassa & tenacia, acria exusta & iis involuta, tum terrestria fixa auget, accumulât, in massas irresolubiles adunat.

X. Eodem tempore fibras totius corporis debilitat, distendit, uti quotidiana docet experientia. Quis non novit quod
in

in æstatis tempore, juxta foci calorem, necnon in regionibus calidioribus, animalium corpora inflantur, tumidiora redduntur, & majora cernuntur vasa?

XI. Unde (9, 10.) intelligimus effecta; ficcitas, debilitas, lassitudo, immobilitas corporis, obstructio, inflammatio, febris ardens. Et lævis quæviscunque causa uti frigoris applicatio sufficit derivandis horum effectibus ad singulares corporis partes, unde locales vel topici fiunt morbi, uti pleuritis, hepatitis, nephritis, & tota acutorum cohors.

XII. Nonnulli etiam alii singulares ex actionibus naturalibus læduntur; a ficcitate enim partium solâ oritur alvus adstricta, ventris dolor; ab eâdem causâ acrimoniæ humorum conjunctâ fit stranguria; a causis (9.) læsa secretio, precipuè in renibus, unde urina rubra.

XIII. Humores etiam putredini nimis aptæ fiunt, & induunt naturam nimis alcaliscentem.

XIV. Nullus forsan morbus insignior producitur ab hac aëris temperie, quàm læsio istius organi quod immediatum tenet commercium cum mente humanâ, & si placeat mentis ipsius sedes, uti ipsi docent morbi. Actio enim intensi solis in caput ei expositum, præcipuè si nudum sit, producit in hac parte effectus prius explicatos (9.), obstructionem cerebri, inflammationem duræ matris; unde turbatur, depravatur valde nexus mutuus inter animum & suam machinam; actiones ab hoc commercio pendentes turpiter pessundantur vel tolluntur; motus voluntarii, sensus externi interni que adeo mutantur, ut hominis characteres vix amplius retineat miserrimus homo; hic morbus ob discrimen summum & phænomena horrenda satis formidolosus, appellatur, nomine forte parum idoneo sed jam usu recepto, *Φρηνίτις*.

XV. Si tamen hæc depravata sanguinis indoles (9.), febre non comitata, tempestivè non resolvatur, vel a quacunque causâ aggravetur, degenerat in istam diram quidem & omnium miserrimam malignitatem, quam *μελαν κολην* dixere veteres; hic verò humor ater, crassus, immobilis necessariò hærebit in visce-

ribus sub hypochondria sitis, uti clarè docent ipsa humoris natura, situs & conditio horum vasorum, leges hydraulicæ. Inde horum viscerum obstructio pertinax, non temerè resolvenda, quæ a situ loci audit morbus hypochondriacus.

XVI. Sed præ omnibus corporis partibus gravissimas pœnas luet genus nervosum; causa non erit intellectu difficilis a contemplatâ nervorum fabricâ, liquidi nervosi naturâ, & dictis priùs. Cum enim liquor nerveus omnium in corpore humorum sit longè subtilissimus, & secretus a sanguine rubro post longum circuitum per vasa ita incurvata & tam subtilia, ut omnem superant ideam, non mirandum si ista secretio perturbatur, impeditur, cessat in ea sanguinis conditione quæ priùs explicata, (9.) cum penitus ineptus sit per talia transfluere vasa; unde paralyfis, apoplexia, & hisce affines morbi.

XVII. Æstus aëris per artem emendari potest; exhalatione dispersæ frigidæ, expiratu halituum aquosorum ex plantis frigidis aquæ immixtis, ut sunt salix, rosa, populus, sambucus, & similia.

XVIII. Effectus tamen præcaventur omnibus illis quæ tenues restituunt sanguini humores, quales dissipavit calor, densitatem sanguinis minuunt, putredini adversantur.

XIX. Hæc verò sunt diluentia, attenuantia nitrosa antiphlogistica, acida vegetabilia.

XX. Unde sequens institutio sex rerum non naturalium optima videtur, ad præcavendos morbos a nimio aëris æstu, præcipuè in regionibus ferventibus, ubi

———*exustus ager morientibus æstuat herbis.* Virg.*

Cibus sit parcus, tenuis ex vegetantibus folis, quorum aptissima sunt: avena, hordeum, triticum, oryza in aquâ cocta, addendo succ limon. vel vini cujusvis acidi q. s. ad gratam aciditatem. Fructus acido-dulces bene maturi pomorum, prunorum, cerasorum, persicorum, tamarindorum, & similium, quibus provida natura jucundas reddidit terras sub cœlo fervido.

jacentes.

* Georg. Lib. 1. l. 107.

jacentes. Gelatinæ berberorum, ribesiorum, cydoniorum, &c.

Qui incommoda nimii æstus vitare cupit, bibat aquam puram vel mtilsam cum pauxillo nitri. Serum lactis, acidulatum cum pulp. Tamarind, &c. Decoctum hordei, cum vino Rhenano & paucis guttis sp. falis. Hæc variari possunt inter se pro lūbitu.

Exercitio utatur parco, lenissimo vel saltem prudentissimè moderato & post hanc legem violatam, cautissimè frigus quodcunque evitet donec insolitus cessat calor.

Venus nimia multum nocet.

Somnus sit plenior, cum tali stragulorum superincumbentium pondere, quod perspirationem liberam, non sudorem, promoveat.

Animi affectus enormes summopere evitari debent, præcipuè ira & tristitia.

XXI. Aër gelidus in hisce mundi regionibus bene notus, nostræ ab æquatore distantiae satis inimicus, morborum multorum procatarctica causa, nunc explicandus.

XXII. Fibras corporis roborat, vasa constringit, horum actionem in fluida auget; sed regelante iterum frigore humores intabum resolvuntur, & destruuntur fibræ, præsertim si partes nuper congelatæ igni subitò admoventur.

XXIII. Fluida verò corporis condensat acce gelu, & condensando inspissat, unde immeabilitas humorum per vasa, obstructio, inflammatio, gangræna, sphacelus. Versus polos terræ, ut in Norvegia, adeo sæva frigoris intensitas, ut nonnunquam incolæ (horrendum dictu) nares sibi evellant emungendo.

XXIV. Si causæ (22.) addatur ingens corporis motus, ut cursus, equitatio, vel aliud quodcunque exercitium, sequitur nimia attenuatio & perspiratio, animi deliquia, nonnunquam subita mors.

XXV. Sed contraria culpa nimia videlicet ignavia, longe est frequentior & causa devenit morbi in hisce terræ plagis frequentissimi, qui scorbutus audit; cui morbo producendo nil necessarium videtur præter causas (23.) & acrimoniam, quæ facile

cilè inducitur a cibis falsis, lacte acido similibusque inter incolas boreales nimis usitatis.

XXVI. Angina ab inflammatione orta organorum respirationi vel deglutationi inservientium sæpe accidit ab applicatione frigidi aëris ad ista organa, ut in celeri equitatione sub frigido coelo, & producit effectus (23.) in hisce partibus; prognosis desumitur ex cognitâ causæ violentiâ & necessitate summâ harum partium ad vitam.

XXVII. Ortum non raro ducit peripneumonia ab eadem causâ; aër enim intenso frigore horrens in pulmonem inspiratus eum siccat, stringit, sanguinem transeuntem coagulat; inde obstructio, inflammatio.

XXVIII. Catarrhus pro causâ præcipuâ agnoscit illa quæ poros obturant cutis, quod nil potentius efficit quàm frigidus, vel potius humido-frigidus aër; unde sanguis determinatus ad interiora corporis vasa, ruit præcipuè ad arterias per amplam Schneideri membranam internamque laryngis & bronchiorum tunicam confitas, ex quarum osculis jam etiam obstructis fit destillatio pituitæ tenuis, copiosæ, quæ pro diversitate loci diversa exhibet phænomena; in faucibus titillationem continuam, sputum tenue copiosum; in naribus pruritum, sternutationem frequentem & lymphæ stillicidium; in pulmone tussim, & (quum serum adeo tenue sit ut exspui nequeat) siccam; serum verò stagnando fit acer, & vesiculas pulmonum teneras, muco oblinente fraudatas excoriat, inflammat; sequitur hæmoptoe, & tandem ejus soboles, phthisis.

Anne hinc intelligimus cur phthisis pulmonum adeo frequens funestusque Britannis.

XXIX. Materies ista acris subtilissima ex sale acerrimo, oleo putrescente & forsan terrâ nimis attritâ constans, quam natura expellit ut recrementum sanguinis per propria cutis organa formâ perspirationis insensibilis faciè cohibetur ab omni causâ quæ istos ductus excretorios constringit, quarum præcipua, uti supra monitum fuit, est frigidus aër. Impedita hæc perspiratio appellatur vulgò susceptio frigoris: Retropellitur ista

mor-

morbifera materies in sanguinis massam, stimulo irritat fibras cordis, fit ejus celerior contractio vel febris: Et hic morbus sæpius forsan oritur ab hac una causâ quàm ab aliis omnibus conjunctis.

XXX. Si quæviscunque in corpore vasa minorem habent cæteris elastitatem, major sanguinis copia in ista ruere debet; sed talia sunt vasa cerebri, quod validissimâ thecâ osseâ tutò reconditum actioni frigoris non exponitur; dum verò reliquæ omnes corporis partes liberæ sunt & magis jam contractites, propellunt majorem fluidorum quantitatem in laxa, parum resistantia, tunicâ musculari spoliata cerebri vasa, quorum minima nunc comprimuntur, tandemque ipsa medulla; inde capitis dolor; gravedo; lethargus; * apoplexia.

XXXI. Aër gelidus corrigi possit, igne accenso quoviscunque, præcipuè per ligna sicciora; vento calido admissio vel arte excitato.

XXXII. Effectus præcaventur per illa quæ fibras nimis contractas laxiores reddunt; liquidis nimis citò difflatis refectionem permanentem suppeditant; & horum fluiditatem conservant; perspirationem promovent.

XXXIII. Hæc verò efficiunt nutrientia firma, levissimè relaxantia, *Διάφορετική* propriè sic dicta.

XXXIV. Hinc (32, 33.) sequentes regulæ pro rebus non naturalibus dirigendis desumuntur.

Cibi materiem suppleant carnes animalium; radices coctæ & olera hyemalia; ad crapulam ferè sumenda.

Potus esse debet parcior; aptam præbent speciem hydromeli, & vina mollia dicta ut Canariens. Andalusian. &c.

Exercitium sit frequens, æquabile, haud tamen nimis violentum.

Somno indulgeat pleno, cum corpore bene tecto in lecto molli.

C

Exter-

* Quod hoc non temere fictum sit testentur manes eorum infeliciū qui paucis retro annis ad insulam glaciale, pro piscibus captandis, navigarunt; quorum fere omnes perierunt, sed perierunt apoplectici; primo devenerunt stupidi, postea immobiles, dein soporosi, tandem obripuit somnus, & denique placide necans apoplexia.

Externum corpus defendatur vestibis plurimis, tamen intra prudentiæ limites.

Animi applicatio intensa ad idem objectum & nonnulli affectus nocent, alii verò ut spes & lætitia profunt.

XXXV. Aër ficcus ordine sequitur, sed de hoc cum prius quodammodo actum fuit & multa etiam habet communia duabus qualitatibus antegressis, singulari explicatione forsan non indiget, nisi paululum expendere liceat temporis in perpendendis effectibus venti ficci.

XXXVI. Ista materies perspirabilis (29.), quæ perpetuo exhalat ex omni corporis puncto, format circa ejus superficiem vaporem quendam invisibilem, quæ cum multam habeat similitudinem atmosphæræ nostræ terræ, non ineptè appellatur corporis Atmosphæra.

XXXVII. Hæc atmosphæra corporis vi quâdam centrifugâ ambientia corpora repellit, & applicationem aëris ipsius immediatam impedit; & sub hoc forsan principio tanti usus erant inter veteres contra aërem venenatum medicamenta quædam ex diaphoreticis composita, theriaca, mithridatium, diascordium, &c. quæ sub generali titulo alexipharmacorum hodie sacra vitæ antiquitas.

XXXVIII. In vento verò ambulans homo se admodum sentit frigidum, quamvis jam antea forsan calidus erat vel æstuans. Cur? Non quoniam re vera friget ipsum corpus, uti satis demonstrat thermometron, sed quoniam ambientem disflavit ventus atmosphæram, & immediate applicatur aër nudo quasi corpori, & sæpius renovatur, unde effectus omnes (29.).

XXXIX. Sed hoc non sufficit, deceptus homo præ frigoris sensu currere incipit, ut conciliet sibi calorem, uti ait vulgus, sed infausto successu: In cursu equidem procedit usque ad accensionem febris validæ, sed nondum scopum attingit donec definens & domum intrans satis re vera calet & præsentia se prodit diræ febris, a causâ duplici ortæ, ab acri nimirum stimulo materiæ perspirabilis, & ingenti attritu.

XL. Methodus optima hunc effectum præcavendi videtur tectio corporis pallio amplo & denso, quod recipiat & quasi suffocet impetum venti.

XL I. Aër humidus in insulis Britanniae frequens, Hollandiae naturalis, & per Europam septentrionalem non incognitus, tractari proximus meretur.

XL II. Animalis corporis fibras laxat, debilitat; vasorum actionem in fluida contenta minuit; elasticitatem in vasis necessariam tollit; obstructio sequitur; languet circulatio; effunduntur liquida.

XL III. Fluida itaque (42.) lenta & immeabilia reddit; hinc torpor, inertia; ignavia summa; ingenium tardum; inflatio, tumor.

XL IV. In corpore externo excretoria obstipat vasa e cute perspirantia, impeditur ista evacuatio salutaris & summi equidem momenti in animalium oeconomia; retropellitur in sanguinem excrementum sanguinis; inde mutata circulatio, putredo, cruditas, febris.

XL V. Insignes producit effectus in pulmone; sanguinem enim transeuntem auget, accumulatur, immeabilem reddit, inde obstructio, peripneumonia. Prohibita etiam perspirationis materies irritat, stimulat, in motum convulsivum sollicitat pulmones; inde haemoptoe & similia mala.

XL VI. Aquam repletus hicce aer cum cibis in ventriculum receptus, ingreditur intestina, horum fibras relaxat, relaxantur glandularum vasa quae varios suppeditant humores, fit insolitus horum liquorum excretio, evacuatio, i. e. diarrhoea.

XL VII. Glandulae salivales, aliaeque prope laryngem, aeri multum expositae, relaxantur in suis folliculis; fit in iis collectio tenuis & pellucidi humoris instar aquae, anginae speciem produciens aquosae dictae vel oedematosae.

XL VIII. Febris intermittens pro causa proxima semper habere videtur liquidi arteriosi viscositatem vel statum fluidorum supra (43.) expositum; hic igitur frequens erit & fere epidemicus morbus in istis regionibus quos ad spectu caliginoso circumambit humidus aer.

XL IX. Ut fiat auditus, i. e. ut idea excitetur soni, requiritur sonori corporis propagatus tremor usque ad proprium suum organum; haec vero propagatio fieri non potest nisi per alia
contre-

contremiscentia corpora, sed tale profectò est elasticus aër; qui ideo aptissimum fit soni medium; sed si aëris elasticitas multum depravetur & quidem depravatur facile ab aquæ magnâ copiâ ei commistâ, tardè & difficulter sonantis propagabit tremorem, ideoque tardus & difficilis erit ejus perceptio; quæ valde etiam aggravatur ab eâ tam corporis quàm mentis conditione quæ supra (43.) explicata; inde iste adeo notabilis tempestatis humidæ comes auditus gravitas vel βαρυεχδία.

L. Aër humidus optimè corrigitur in domo ita constructâ ut quantum fieri potest occludat crasso aëri ingressum; foco largo per ligna ficciora, resinosa nutrito; halitu aromatwn sponte vel igne fragrantium.

LI. Indicatio requirit Προφυλακτική ut vasa relaxata, debilitata corroborentur, ut eorum actio languens excitetur; ut spissi humores fluidi reddantur; ut perspirationis impedimenta tollantur.

LII. Has verò absolvunt intentiones leviter adstringentia, stimulantia aromatica, attenuantia, Διάφορετικά.

LIII. Inde (51, 52.) clarè deduci possit sequens norma ut certissima, tutissima pro præcavendis morbis in aëre humido latentibus.

Cibus sit ex carnibus animalium assis, aromate bene conditis (ut piper. sinap. &c.); pane bene fermentato; ficcis Indorum fructibus.

Potus ex liquoribus optimè fermentatis, parvâ quantitate & sæpius sumendis; cerevisiâ vetustâ; vinis leviter adstringentibus, virtute impregnatis aromatwn; infusione caffèe.

Exercitium sit assiduum, rarò prætermissum, viribus proportionatum; optimum genus equitatio.

Somnus levior & parcior sufficit in lecto duro, camera sicca, clausâ, aëre contrario repletâ (50.)

Corpus bene tectum sit vestibus multis, ficcis; & cutis spiracula munda retineantur lotu, frictione, balneo.

Animi pathemata mæstiora hic valde nocent; lætitia verò & vita hilaris commendanda sunt.

LIV. Si humiditati in aëre adjungatur calor effectus naturæ longè pessimæ sequuntur; has enim conjunctas qualitates experimentorum fide novimus aptissimas esse putredini producendæ; nec forsan unquam deprehensa fuit corporis cujusvis putrefactio, sine præsentia in aliquo saltem gradu aquæ & ignis.

LV. Hæ verò conjunctæ velocem inducunt putredinem in corporibus omnibus quæ putredini obnoxia sunt, ex quibus promptiora reperiuntur nulla quàm sunt fluida animalium.

LVI. Putredo hæcce, (55.) ex chemicis solis intelligenda, producit, autor est medicorum Coryphæus, “ † In primis viis
“ sitim, prostratum appetitum, ructus nidorosos, graveolen-
“ tiam tabidi corruptique; sordes ori, linguæ, palato, fauci-
“ bus, amarescentes, putridas; nauseam, vomitum putrefactæ
“ biliosæ materie; horrorem adversus omnia, nisi aquosa vel
“ acida; cruditatem putridam, diarrhæam biliosam, dolores
“ iliacos inflammatorios; caloris molesti sensum. In sanguine
“ producit dissolutionem ejus putridam; acrimoniam alcali-
“ nam oleosam volatilem; ineptitudinem ad nutriendum; ap-
“ titudinem ad consumendum; minimorum vasculorum destru-
“ ctionem; hinc omnes actiones solidarum & liquidarum par-
“ tium turbat, depravat, destruit; unde circulatio, secretio,
“ excretio variat; tum febres ardentes, urinæ & omnia secre-
“ ta putrida; inflammationes, suppurationes, gangrænæ, spha-
“ celi, mors.”

LVII. Anne pestis eodem modo producit, vel soboles ejusdem causæ? affirmativum suadent sequentia.

α. Autorum fere omnium, qui de pestilentialibus scripserunt morbis, consensus, quòd tempestas calore & humiditate abundans ad pestem aliosque morbos putridos producendos omnium sit aptissima.

β. Hippocratis sententia sæpe in suis scriptis tradita de vento Austrino, quem ubique ut pestiferum damnat, & sub cujus imperio describit * pestem admodum sævam & terribilem: Venti verò Australes zonam torridam & mare Mediterraneum percurrentes omnibus fere Europæ Meridionalis partibus, sed precipuè

D

† Boerhaav. Aphor. Sect. 85, 86.

* De Morb. Vulg. P. 1081.

puè in Græciâ calidi & humidi spirant ; hinc eleganter canit † Poeta,

Letiferis calidi spirarunt flatibus Austri.

γ. Bene cognita Constantinopoli historia, ubi pestis viget epidemicus & quidem familiaris morbus ; causa non aliter explicanda quàm per aërem loci humidum atque calidum, (nam solâ æstate floret) ; immodicum balneorum usum ; abstinentiam a vino legibus sacris impositam.

δ. Alpini * testimonium, quòd raro in Ægypto nascitur pestis ab aëris vitio sine nimiâ inundatione fluminis Nili, magnas relinquire collectiones aquæ stagnantis, putridæ.

ε. Origo pestis Londinensis, non difficulter exploranda ex descriptione quàm accuratus dedit Sydenhamus † tempestatis antecedentis ; refert quòd prægressâ hyeme frigidissimâ & sicco gelu in veris usque tempora indefinenter perdurante, cum ex improvviso solveretur, sine scilicet Martii, post morbos alios inflammatorios anno surgente pestis irripuit. Norunt phyfici neque nescit vulgus quòd post summum gelu, quando iterum resolvitur terra, vapores & exhalationes aquosæ non hic explicanda, statim oriuntur velocem inducentia putredinem, juxta pulchrum Virgilii † distichon.

*Vere novo gelidus canis cum montibus humor
Liquitur, & zephyro putris se gleba resolvit.*

η. Acidorum usus contra hunc morbum.

Et multa alia forsan adduci possent, si permitteret brevitatis studium, ad probandum maximam pestis malignitatem consistere in summâ putredine.

Sed hæc dicta sunt de peste quatenus pendet a qualitate quadam aëris manifestâ ; aliquid enim in hoc morbo latere videtur extra medicinæ limites, neque adhuc explicandum per cognitæ naturæ leges ; aliquid inquam divinum, το Θείον Hippocratis.

LVIII.

† Ovid. Metamorphos. L. 7. * Med. Ægypt. P. 60. † Oper. omnia.

LVIII. Aër hujusmodi optimè forsan corrigitur methodo quâ felici cum successu utebantur haud ita pridem Belgi dum pestis per Hollandiam grassavit ; vaporibus nimirum acidis fossilium & vegetantium ; accenso nitro, pulvere pyrio, sale prunis insperso, aceti fumis per ignem suppositum dispersis.

LIX. Προφυλαξίς contra effectus (56.) & pestem ab hac causâ oriundam, requirit putredinis correctionem.

LX. Hoc (59.) verò efficiunt præcipuè acida & acescentia, salia muriatica, nitrosa. Sed inter omnia hujusmodi longè cæteris præpollet nobilis ille liquor quem producit quorundam vegetantium succus bis fermentatus, nomine Aceti, cujus usus & laudes ex professo celebrarunt nonnulli, sed præcipuè ut alexipharmacum ; neque opus est quicquid addere scriptis de hoc subjecto.

LXI. Natura igitur regiminis idonei facilè intelligitur ; victus sit ex acescentibus omnis generis (20), & potus ex vinis acidis, adstringentibus ; addatur circumscriptio summa, & usus aceti jam laudati.

LXII. Aëris levitas, rarò valde peccans, nisi in altorum cacuminibus montium, proxima exploranda.

LXIII. Per aëris levitatem intelligitur atmosphæræ gravitantis adeo imminutum pondus, ut non sufficiat necessariis suis effectibus, qui ab isto pondere immediatè pendent, in animalium corpora præstandis.

LXIV. Horum effectuum princeps agit in viscus illud nobilissimum, a cujus actione integrâ immediatè pendet vita, intelligo pulmonem ; cujus actio duplex est, distensio nimirum & contractio ; hæc paucissimis explicare liceat, ut melius intelligantur de aëris gravitate dicenda.

LXV. Contractio fibrarum pulmonalium illis naturalis est, uti docet effectus e corpore pulmo ; in aëre enim libero suspensus statim collabitur, & longè fit minor quàm erat in thorace integro.

LXVI. Unde patet pulmones vi propria semper niti ut minores fiant in omnibus suis partibus, id est, ut expellant contenta, ut fiat exspiratio.

LXVII.

LXVII. Altera igitur vis requiritur antagonista, quæ resistere possit actioni huic naturali; quæ prompta semper adest, videlicet gravis circumambiens aër, qui facile per glottidem in pulmones ruens, vim eorum naturalem superabit, hosce distendet, fiet inspiratio.

LXVIII. Si verò a quâcunque causâ adeo debilis sit hic antagonista (67.), id est, si adeo levis sit aër, ut non valeat satis superare vim pulmonis contractilem, necessario impeditur actio (67.), inde respirationis læsæ varia symptomata, & tandem integra *απνοία*, vel proxima mortis causa.

LXIX. Aër etiam levis agit in integra animantium corpora; vasa enim, ideoque & humores, minus pressa dilatantur, rarefiunt; inde tumor; eruptio humorum; auctus in vasis diame-ter & ab eo pendens perversus humorum circuitus, quorum varia species in aliena aberrant vasa; hic error dicitur loci.

LXX. Contraria atmosphæræ culpa, vel nimium pondus, præcipuè & sola fere reperitur in cavernis terræ fossisque profundis.

LXXI. In quibus descendens pulmo nimiam invenit resistantiam suæ contractioni vel læsam actionem explicatam (66); unde eadem ferè mala ac (68) antecedunt expectandam persistentis mortem.

LXXII. Aër nimis gravis rarò lædit vasa vel humores in genere; sed ea lædere potest: Vasa enim nimis compressa angustantur nimisque premunt humores; inde species *θλίψις*; *νευραγγεία*.

LXXIII. Contra aërem gravitate peccantem prophylacticon cognoscitur nullum; sola evitatio sufficit.

Atque hæc de Qualitatibus Aëris; quæ augeri equidem poterint in molem longè majorem, sed prohibet tempus, prohibet hujusmodi dissertationis propositum; & dicta (ni fallor) intelligentibus non latebunt cætera. Et nunc satis, spero, patet quanti sit momenti hoc subiectum ad *Υγιειάν* hominum conservandam, ad morbos intelligendos, & ad ipsam medendi artem.